

Bosna i Hercegovina
Federacija Bosne i Hercegovine
Tuzlanski kanton

Ministarstvo prostornog uređenja i zaštite okolice

**IZVJEŠTAJ O KVALITETU ZRAKA
NA PODRUČJU OPĆINE SAPNA
(ZA PERIOD OD 15.06.2017. DO 14.07.2017.GOD.)**



MINISTAR

Hasan Fehratović

UVOD

Mobilna stanica za praćenje kvaliteta zraka postavljena je na području općine Sapna u vremenu od 15.06.2017. do 14.07.2017. godine. Stanica je locirana u krugu općine, u skladu sa prijedlogom od strane općine Sapna.

Mobilna stanica je opremljena sa analizatorima i meteorološkim senzorima za mjerenje polutanata u zraku (sumpordioksida, azotdioksida, ugljenmonoksida, ozona i prašine) kao i meteoroloških parametara (temperatura zraka, vlažnost zraka, sunčevo zračenje, pravac i smjer vjetra).

Na osnovu člana 20, 21. i 22. Pravilnika o načinu vršenja monitoringa kvaliteta zraka i definisanju vrsta zagađujućih materija, graničnih vrijednosti i drugih standarda kvaliteta zraka („Službene novine FBiH“, broj: 01/12) nadležno Ministarstvo za poslove zaštite okolice informira javnost o kvalitetu zraka na osnovu podataka dobivenih iz instaliranog Sistema za praćenje kvaliteta zraka na području Tuzlanskog kantona .

Članom 2. Zakona o zaštiti zraka („Službene novine FBiH“, broj: 33/03) i članom 2. Zakona o izmjenama i dopunama Zakona o zaštiti zraka („Službene novine FBiH“, broj: 4/10) definisane su granične vrijednosti kvaliteta zraka , tolerantne vrijednosti kvaliteta zraka, pragovi upozorenja i pragovi uzbune.

Granična vrijednost kvaliteta zraka – znači nivo određen na osnovu naučnog znanja s ciljem izbjegavanja, sprečavanja ili smanjivanja štetnih uticaja na ljudsko zdravlje i/ili okoliš u cjelini; ovaj nivo se mora dostići u određenom periodu i kasnije ne smije biti prekoračen;

Tolerantna vrijednost- znači graničnu vrijednost uvećanu za granicu tolerancije;

Prag upozorenja – znači nivo iznad kojeg postoji rizik po ljudsko zdravlje usljed kratkog izlaganja za izuzetno osjetljive dijelove stanovništva i o kome je potrebno dati najnovije informacije;

Prag uzbune- znači nivo iznad kojeg postoji rizik po ljudsko zdravlje prilikom kratkog izlaganja i na kojem će biti preduzeti direktni koraci.